

欽定石渠寶笈三編

欽定石渠寶笈三編

御書房藏一

高宗純皇帝御筆

九峯歌題文彭刻石硯山章並圖

一卷
乙巳

列朝名人書畫

唐周昉畫麀趾圖

一卷

唐周昉調嬰圖

一卷

朱梁荆浩畫山水

一卷

後唐胡瓌番馬圖 一卷

宋蔡肇仁壽圖 一軸

宋李德柔竹林談道圖 一軸

宋劉松年畫人物山水 一冊

宋劉松年十八學士圖 一卷

宋馬遠畫梨花山鳥 一軸

宋夏珪按山圖 一卷

宋人十八學士圖 四軸

宋人拜月圖 一軸

宋人花市戲嬰圖 一軸

宋人貨郎圖 一軸

宋人畫潑墨仙人 一軸

元管道昇畫竹并書修竹賦真蹟 一卷

元揭傒斯自書詩草 一卷

元邊武書千字文 一冊

元王蒙具區林屋圖 一軸

元趙希遠畫林巒福地 一軸

元馬琬墨竹 一軸

元釋方厓墨竹 一軸

元人畫同胞一氣圖 一軸

元人歲朝圖 一軸

元人夏景戲嬰圖 一軸

元人貨郎圖 一軸

元人畫雪景 一軸

明宣宗畫武侯高卧圖 一卷

明宣宗壺中富貴圖 一軸

明沈度隸書歸去來辭 一軸

明陶成菊石戲貓圖 一軸

明周臣清泉聽阮圖 一軸

明唐寅畫山路松聲 一軸

明仇英畫孝經圖 一卷

明仇英赤壁圖 一卷

明仇英蘇武牧羊圖

一軸

明仇英松亭試泉圖

一軸

明仇英番馬圖

一軸

明仇英桐陰清話圖

一軸

高宗純皇帝御筆九峯歌題文彭刻石硯山章並圖

一卷

〔本幅〕紙本縱八寸一分橫六尺八寸四分前

御筆行書

九峯歌二十韻題文彭刻凍石硯山章 武夷名
實著漢書九曲之稱自朱子一曲必有一峯環九
峯之名由是起蔡沈遂以號先生註書弗出晦翁
軌用是名者亦已夥輿志不可數倭指獨茲九峯

乃硯山復刻為章勅文氏想其燈光遇四筐

見印人傳

老坑珍物獲累累未必一一中章材

刻章必取方真或圓樁峯

形則不異也

想天開忽為此一曲勒馬聳臨溪二曲

玉女凌雲峙三曲攬石何硤礚四曲李仙高岌義

五曲窈窕稱大藏六曲城高赤城擬七曲蒼屏更

殊致八曲魚磻其石碕九曲最深號靈峯俯括厥

八子孫視上為硯山下即章兼施並用成雙美或

紀歲月或識言壽承於是意深矣玉筋金剪無弗

具巧勿傷纖合至理。或云吳閩難縮地。盍想山石
名所始。一卷原可概萬峯。須彌微塵為其抵。春風
邗上咏九峯。甲辰南巡過揚州九峯園有三
往原宜句九峯列作園之句日月
爝火誠小耳。置我硯南靜對之。活畫不言契妙旨。
吳公子札品周樂。吾於斯亦云觀止。鈴寶二几席
有餘香。煙雲舒卷後。

御筆水墨畫石峯九並識

文壽承世其家學。刻石擅場內府所藏印章甚夥。

茲復得九峯上為硯山作篆其下各極崕岬摩谿之勢尤為翔見既作九峯歌以鄉之並貌為圖以識欣賞乙巳新正御筆鈐寶二

古稀天子之寶猶日孜孜每圖石峯下鈐文彭印章橫豎各一旁錄原刻釋文款識一印左側刻題識板橋記事愚既喜印章更喜硯山有起伏之勢大覺生動活潑之趣以每遇則作之非好事也所以適性耳又識印右側刻釋文

並款。品多起伏。離離絕類。獅蹲石盡。軒騰矯
矯。渾如鳳翥。三橋戲作。云印左側刻釋文。秋
水纔深四五尺。野航恰受兩三人。印下方刻
款。文彭戲作。印右側刻題識。並款。坡翁以盆
池拳石為案間珍賞。以其每多奇趣。况復有
三橋之篆耶。傳山記。云印左側刻識語。並款。
詩聯云。奇石無心真靜者。老松多壽是仙人。
三橋取此壽意而作之耶。壬戌蒲節前一日。

李楷書印右側刻題識洞天一品印右側刻
釋文並款奇石無心真靜者文彭四印左側
刻款嘉靖丙寅秋分前一日為樸翁先生壽
文彭印右側刻釋文胷中一點分明處不負
高天不負人吾印左側刻題識並款新秋兩
後偶步至東雅堂案間此石可翫戲為作篆
主人勿以薄劣見嗤可耳三橋文彭印右側
刻釋文昨夜雨疎風驟濃睡不消殘酒試問

卷簾人。却道海棠依舊。知否。知否。惟是綠肥
紅瘦。六印左側刻釋文並款。石蘊玉而山輝。
壽承印。右側刻題識並款。研山小品。已軍。七
印左側刻釋文並款。胷中無崎嶇。波浪眼前
皆綠水青山。文彭作印。右側刻題識。石交玉
立。八印左側刻題識並款。壽比南山。莊有恭
記印。左側刻題識。一拳石。印。右側刻釋文並
款。手撫石上月。心清松下風。文彭作九印。左

側刻釋文連娟二華頂空洞三茅腹印右側
刻題識小有天印左側刻題識並款嘉靖丁
巳九秋遊西山至白雲泉陟天平絕頂石林
岵嶇印壑離奇恍若別有天地歸而案頭適
有此石因取東坡仇池石詩二句鐫以紀興
三橋

臣工恭跋

孫綽有言太虛無垠妙自然之萬有融為川

瀆。結為山阜。中庸言天地以下。廣大者惟山。
是造物之賦形也。揚雄曰。書心畫也。言心聲
也。言造化之精者莫如詩。傳造物之神者莫
如繪。一可以賅萬。無可以孕有近。可以括遠。
小可以見大。山無定形。聲與畫無定理。蓋造
物之功大矣。

內府舊藏明文彭所刻印章九。上為研山下為
篆文乃

命琢玉象武夷。嵌列其上。以為九曲。爾雅所謂大山。
宮小山者。取義定形。實臻奇觀。既

御製九峯歌二十韻詠之。復灑

寶翰。分繪其形於長卷。臣等誦

詩讀

畫。盪胸仰面。贊歎蹈忭。不能自已。文彭一下士。其以
篆顯亦小技耳。且山與石同體。當日意匠。縱
極經營。猶是有形之結撰也。而

皇上以一詩盡其妙。探朱蔡之同源。渾吳閩而一致。太極萬一。須彌微塵。於義蘊固無不包矣。至
僂指九峯。則分寸萬丈。咫尺千里。幽覓曠遠。
絡繹奔赴。於一聲一韻之間。又為之

圖而凌空。司契隨物。寓狀俯嵩岱。於楮端起衡華。於
腕下復與

詩交極其勝。視彭之斤斤刻畫。真莊周氏所謂礪礪
之在大山也。維

聖心先有登山小天下之理而乃於

詩一發之於

畫一遇之於

詩於

畫而初無是山。即有是山。又若不必有是山。無非是

山者。物物而不物於物。形形而不形於形。蓋

曰

天之所以為

天也。臣梁國治。臣劉墉。臣彭元瑞。臣董誥。臣曹文植。
拜手稽首恭跋。鈐印二。臣治。

引首

御書幔亭契鈐寶一。

古稀天子。

卷內分鈐

寶璽萬有同春。菑畬經訓。

五福五代堂古稀天子寶。八徵耄念之寶。寓意於物。

半榻琴書。追琢其章。墨雲。

古稀天子。

鑒藏寶璽。寶笈三編。石渠寶笈所藏。

唐周昉畫簾趾圖一卷

本幅絹本。縱一尺一寸三分。橫一丈二寸。設色界畫。畫梧桐陰森。庭宇宏敞。瑤階文甃。畫柱雕楹。瑣窻洞開。朱簾高揭。后妃戴金鳳之冠。被紈綺之服。端坐屏前。內豎數輩旁侍。各供使役。嬰兒十有四。或坐。或立。或行。或撲蝶。或採蓮。或爭蓮墜地。花瓣紛落。或執蓮房折其莖。使絲相連作垂釣狀。或迷藏。或浴於盤。

或從旁潑以水。或掬水盤中。或匍匐戲。或
睡起結衣帶。嬪妾七人。捧壺榼者。抱兒於懷
者。負兒於背者。為兒浴者。牽兒行者。坐地以
物戲兒者。公子公姓百斯。蕃衍有協於風詩
之旨云。無款印。

後幅題跋

周昉字景元。長安人。窮丹青之妙。多作士女
嬰兒。極穠麗豐腴之態。與張萱齊名。馳譽於

時。但世遠代移。真跡流傳。民間絕少。此麟趾
圖一卷。精妙莫及者。昔為宋道君內庫秘藏
之物。有緝熙殿寶御璽。迨南渡後。散落人間。
為少師朱文靜公得之。其孫文博。又鬻於浙
人王彥宏處。近吾友金粟道人。從燕臺購之。
誠所謂神物去來。自有呵護。而不泯滅者哉。
至正五年春三月。望。宣文閣鑒書畫博士虞
集。鈐印二。虞集。宣文閣鑒書畫博士印。周

景元畫世不多見。即見者皆贗本耳。此卷寫
麟趾圖。行筆秀潤。位置古雅。與夫仕女嬰兒
態度不一。宛然如生。後代作者。極欲摹效之。
皆優孟衣冠。迥乎莫逮矣。但此卷傳世甚久。
屢易收藏。尤絹素完好。精神煥發。得毋有神
靈呵護耶。邵菴既賞之。予不敢多贅。至正九
年歲次己丑秋七月。句曲外史張雨鈴印。二
張雨私印。句曲外史。


鑒藏寶璽

五璽全

寶笈三編

收傳印記月觀公堇父世所希有張晏私印
都省書畫之印

謹案緝熙殿之名始於宋理宗虞集政以為
徽宗者誤周昉一字仲朗致見續編



唐周昉調嬰圖 一卷

本幅絹本。縱九寸二分。橫四尺四寸五分。設色畫仕女七。一攜囊琴。二鬟後隨。一彈箏篴。一擲箏。一調琵琶。一捧嬰兒戲於前。一席地搗箏。最後一仕女朱冠。與一烏帽緋袍手弓者並肩立。無款印。

後幅題跋

此一圖雷君敘之甚詳。蓋張萱周昉之所製。

予歷觀祕閣。洎朝貴士人家所蓄書畫。獨開元為多。而無不妙絕。得非承平歲久。四民之業。雍容暇豫。而臻乎極摯邪。予又覩開元中。朝集使歲入奏事。每降中詔。諭以民間疾苦。辭意深切。過於提耳。迺知其馴致太平。非一朝一夕。由漸漬之使然。又以執藝之工。侔色著精。課虛成象。流於翰墨。能使數百年間。傳祕而不厭者。乃太平之餘力。豈容易哉。班史

所謂漢宣之世。綜覈名實。政事文學。法理之士。咸精其能。而伎巧工匠。自元成間。鮮能及之。亦猶此矣。今吾輩之所以閱玩陳蹟。蓋生逢盛時。思慕治古。卷卷而不能忘爾。後之省斯言者。知不特以粉繪之巧。靡曼之技。而垂意焉。皇祐辛卯歲季秋望日。觀文殿大學士戶部尚書永興軍一路都部署安撫使兼知永興軍府事臨淄郡開國公晏殊序。此圖

晏公同叔鑒定。以為張萱周昉之所製。筆力
精妙。不待言矣。公題識時。雷君之文猶存。公
稱其敏之甚詳。今則亡矣。雷名字未可考。當
扣諸博識者。惜乎數百年來。未有續記之者。
當自有其人也。公謂開元承平日久。其餘力
能使書畫之事。亦臻其極。尤為佳論。烏乎。開
元之太平。固非一朝一夕之能。而天寶之逸
游。亦非一朝一夕所致。治忽相尋。其來有漸。

觀是圖者其必有以知之矣。洪武十二年歲次己未閏五月十九日金華吳沉謹識。鈐印一。吳沉溶仲。

舊題籤

唐周昉調嬰圖。宋明跋二則。神鈐印一。信公鑒賞。

鑒藏寶璽

五璽寶笈三編

收傳印記耿會侯鑒定書畫之章耿昭忠信

公氏一字在良別號長白山長收藏書畫印
記半古軒書畫印宜爾子孫信公鑒定珍藏
漢水耿會侯書畫之章玉口口印半趙氏印半鮮
于困學齋印

謹案晏殊字同叔撫州臨川人景德初進士
歷官同平章事兼樞密使贈司空兼侍中謚
元獻宋史有傳吳沈字濬仲蘭谿人洪武初
召為翰林待制歷官東閣大學士明史有傳

朱梁荆浩畫山水一卷

本幅絹本。縱一尺四寸二分。橫一丈四尺九寸二分。設色畫。烟巒雲嶂。楓嶺松巖。石磴盤空。往來鈴馱。柴門臨水。時見漁樵。款洪谷子荆浩無印。

卷內鈐

高宗純皇帝寶璽。乾隆御覽之寶。

鑒藏寶璽

五璽

寶笈三編

收傳印記駙馬都尉永春侯圖書三槐堂圖書記王氏圖書子子孫孫永寶之平章世家秋壑珍玩

謹案荆浩字浩然河南沁水人博通經史善屬文五季多故隱於太行之洪谷自號洪谷子嘗著山水訣一卷見五代名畫補遺

後唐胡瓌番馬圖 一卷

本幅絹本。縱八寸四分。橫二尺二寸七分。設色畫駱馬將一駒。奚官四人。皆皮冠而裘。一捧囊。一袒裘。一臂鷹。一吹管。無款印。

後幅題跋

嚙膝龍媒產渥洼。霜蹄踣鐵涉流沙。緋裘太
美知神駿。故使丹青紙上誇。孫謀鈐印三漫
漶。狐裘如血繡衣鮮。好是營州美少年。看

得馬肥鷹隼健。雪晴又擬獵祁連。辛巳孟夏。
陸圮題。無印。吹斷口口卸玉驄。腥腥裘染
行染。映暮霞紅。想應獵罷歸來早。猶帶蒼鷹
立晚風。吳郡陳紹先。無印。

引首


番馬圖款。胡瓌筆。其昌題。鈐印一。董其昌氏。

鑒藏寶璽

五璽寶笈三編

謹案胡瓌。范陽人。善畫番馬。考見續編。字燕盼。號五城。江寧諸生。善書能詩。文與王。

百穀陳古白友善見江寧府志陳紹先字宗
述吳縣人仕為連府紀善見蘇州府志



宋蔡肇仁壽圖 一軸

本幅絹本。縱二尺九寸七分。橫一尺二寸九分。水墨畫奇石玲瓏。襯以坡草。款蔡肇。隸書。

玉池題

仁壽賦。生必深山。峰狀自閒。電煥霞駭。樹雜苔斑。奇形異質。紛拏不一。屹特立以樹空。倚懸崖而構室。御箭竒而橫卧。聳蓮蓬而半出。龍吟應物。觸紫岩而吐雲。虹梁中斷。駕滄海。

而觀日。故石之為物也。不奢不僭。無競無猜。
偶山水而長往。因和璞而俱來。考之雲籍。則
建名古昔。賢億視而常存。經百王而不易。何
施而不可。何用而不適。口上吾君千萬年。地
久天長履茲石。元統二年春日。周伯溫書。
鈐印二。玉雪口主。行中書。

鑒藏寶璽


五璽

寶笈三編

收傳印記。晉府。晉府世子圖書。晉府書畫之

印。御府圖繪之記。蒼巖子梁清標玉立氏印。
章。梁清標印。蕉林鑒定。□翁南□堂。蘭陵文
子收藏一印不可辨。

謹案蔡肇字天啟丹陽人。元豐二年進士。歷
官顯謨閣待制。終知睦州。宋史有傳。周伯溫
名伯琦。自號玉雪坡翁。饒州人。至正間為翰林
修撰。致見續編。



宋李德柔竹林談道圖 一軸

本幅絹本。縱一尺八寸。橫一尺三寸五分。設色畫竹林泉石。兩人相對坐談。一童子侍款。方外李德柔製。無印。上有宋徽宗瘦金書標題。李德柔之筆五字。鈐璽三。雙龍璽一。御府寶繪。宣和御覽。

鑒藏寶璽

五璽

寶笈三編

收傳印記。世寶悅生。賈似道圖書子孫永保。

之。賈似道印。趙松雪齋圖書記。元美珍玩。

謹案蘇軾文集。李德柔。小名蜀孫。幼而善畫。長讀莊老。喜知遠。為道士。賜號妙應。其寫真。妙絕一時。又按宣和畫譜。載所藏李德柔圖。畫共二十有六。無竹林談道圖。

宋劉松年畫人物山水 一冊

本幅八對幅。右絹本。設色畫。一縱四寸五分。橫七寸八分。畫文石雕欄花光扇影。二縱四寸八分。橫同前。畫倚屏獨坐。榻列琴書。三縱四寸四分。橫同前。畫聽阮花間。屏遮欄繞。四縱三寸八分。橫七寸三分。畫碧波青嶂岸柳搖風。五縱三寸九分。橫同前。畫盤石髯松看山歌坐。六縱四寸四分。橫七寸七分。畫蕉庭。

翫月。羅袂生寒。古縱四寸六分。橫七寸九分。
畫淺草如茵。獼兒羣戲。公縱四寸五分。橫七
寸六分。畫金鈴雙犬。對乳花陰。無款印。左紙
本。縱橫同右。原題團扇歌初歇。開簾草又新。
獨憐雙燕子。占斷上林春。款太白山人。後幅俱同

酒病未全理。詩懷濃更狂。無人會此意。花
片落琴牀。落絮風初起。鶯啼春晝長。酒醒
庭院靜。一曲杜韋娘。放櫂中流穩。蘋香薦

酒杯夕陽山更好。青過海門來。道人晏坐
處。看山時一吟。白鶴忽不見。松花飛滿林。
對月獨支頤。經春費夢思。翠蕉開也未。葉上
好傳詩。狂吠黃昏月。羣嬉興有餘。洛陽天
一角。客久費傳書。飽卧春陰晚。殘英滿地
紅。太平風景好。傳入畫圖中。分鈴印太初。
一重汗漫游。太白山人。要將足跡遍天下。
孫一元獨立物表吟嘯仙。

鑒藏寶璽

五璽

寶笈三編

謹案孫一元字太初。自云關中人。或云安居王孫。辭家入太白山。因號太白山人。後隱居苕溪。以終。見湖州府志劉清惠集。

宋劉松年十八學士圖 一卷

本幅絹本。縱一尺四寸。橫五尺六寸七分。設色界畫。畫唐文學館十八學士。庭中設案。後施屏風。一據案攤書。有中涓執宮扇在側。一隅坐昂首。若相對語。中服弛座右。童子理之。一以掌拓樹。與一執卷者立談。樹下繫頭奴。倚几削瓜果。肴核滿前。桐槐交蔭。槐後文石玲瓏。間時花竹。如前設案。一中坐碾茶。童子

以湯注之。三人立而觀。或負手。或撚鬚。或擁
袖。旁列茶竈。茶磨。司磨與煎。凡二童子。庭前
白鶴。俯啄松間。松後曲欄。周遭如前。設案一
默坐。構思。遣僕檢書於架。一虛坐。以兩手展
卷。一側坐。置卷於案。有蒼頭捧衣笥至。一敬
坐。使童子鑷白。一離坐。就柏下。使童子解衣。
柏後畫屏高張。如前。設案一。觀書。以羽扇指
畫。童子執拂侍。一以肘加絹素。拈毫欲書。二

人共展畫坐觀一人起盥手兩童子執盥具
及巾陳設有棋有琴瓶貯珊瑚盆植瑤草圖
書修整筆硯精良筵篋尊罍莫不備具上題
諸學士姓氏爵里分四段

□□

應是學士二字參

軍事通直郎蔡允恭字克讓年六十七讚曰
冰霜比映蘭桂同芬猗歟達學實有斯文

按玉

海作猗歟達學蔚有斯文冰霜比映蘭桂同芬學士天策上將軍府
諮祭酒扶風蘇長字世長年六十五讚曰軍

諮諧喙超然辨悟正色於庭匪躬之故學士

友上柱國黎陽伯東海於志寧字仲謚年三

十七讚曰疊疊文詞昭昭亮直右稱益友允

先斯職職玉海作古稱益友允先斯學士記室

高陽許敬宗字祇族年三十三讚曰抑揚詞

令縱橫才藻朝市騰聲蘭宮遊道玉海作槐

宮游道抑揚辭學士員外散騎侍郎文學河

南褚亮字希明年六十六讚曰學總書林文

兼翰苑道高業峻神清器遠玉海作道高業峻神清氣遠學

兼翰林文學士陝東道大行臺屯田郎中文

學洗馬員外散騎侍郎吳興姚柬字思廉年

五十八讚曰志士積勤按舊唐書作志古精勤紀言實

錄臨危殉義餘風勵俗學士國子助教信都

蓋文達字文達年四十六讚曰蒲輪遠聘稷

下連蹤義珍儒席詞抑談鋒玉海作言超理寤辨折談風蒲

輪遠聘稷學士天策上將軍府參曹參軍事
下連蹤

趙郡李守素字筠年四十五讚曰賢者

作玉海

博識穆如

作玉海

清風遊情文苑步高

作玉海

談叢學士太學博士吳郡陸元朗字德明年

六十七讚曰儒行

作玉海

為貴元風可師博

作玉海

作學非遠離經在茲學士太學博士魯國孔

穎達字仲達年五十六讚曰道光列第風傳

闕里精義霞開談

作玉海

詞賦起學士兼主簿

隴西李元道字元易年四十九讚曰抑揚物

範昭晰風格業擅專門名高重席

玉海作李侯鑒遠雅

量淹通清言析理妙藻推工

學士陝東道大行臺考功郎

中兼記室上柱國臨淄侯清河房喬字元齡

年四十七讚曰當年勵節奉上忘身才兼藻

翰思入機神

舊唐書作才兼藻翰思入機神當官勵節奉上忘身學士

典籤武功蘇勣年二十四讚曰業敏游藝莅

事躬勤

玉海作躬勤帶經

書傳猷素

玉海作竹帛

畫美丹

青學士天策府從事中郎兼文學館進封萊

國公京兆杜如晦字克明年年下讚曰臨機

獨斷用致雍熙彌縫輔贊無跡可稽舊唐書作建平

文雅休有烈光忠履義身立名楊學士記室遷秘書監會稽

虞世南字伯施年年下讚曰沉靜雍容廷稱

五絕束志不阿規諷忠烈玉海作篤行楊聲

氏並色學士著作郎攝記室薛元敬字字下

年年下讚曰文翰崢嶸郁乎當世經濟之才

英偉之器玉海作薛生履操昭哉德學士天

策府記室蒲州薛收字

字下年

下年讚曰書

檄露□□占辭才思敏捷出乎天資學士

參軍事□□顏相時字

字下年

下年讚曰漢

書決疑昭晰至理斷制得宜而並諸史

玉海作六

文科藏三冬經史家無款印

後幅題跋

瀛洲賦鯨波沸兮底平鰲極峙兮不驚八紘

揮兮氛翳合璧觀兮重明開天策兮上府表

蓋世之元勳刻郡

應作羣

雄而削迹挽銀漢而

洗兵噓文燄於寒灰聞儒館於神京坤珍萃

乎華壤淵霆隱乎天聲於是攀鱗附翼之彥

行鵠振鷺之英咸游泳於瑤池儼翱翔於明

廷觀其房以謀用杜以斷稱虞姚之博學孔

陸之窮經兩薛起河東之俊二李著國姓之

勳敬宗拔於民曹志寧綴於郎星少雲臺之

十將多元愷之二朋分六子以並直各三番

而遞更登以清都之幽邃給以天厨之奇珍
贊以褚亮之珠玉繪以立本之丹青香風日
之不到隔仙凡於幾塵此世俗之所景慕而
瀛洲所以得名也是洲也環以學海之波聳
以羣玉之峯芝田花島之參差靈卉異石之
蓊蔥圖書闡東壁之祕經史紬金匱之封振
振公子之麟濯濯人中之龍雍容偃佺之丰
儀灑落喬晉之心曾以至仁為却老之加乘

浩氣為衝舉之功。講論即吐納之妙。揖讓為
屈伸之容。清談霏乎瑞露。長嘯吐乎長虹。是
皆妙幕府之選。儲將相之雄。方將開太平以
詒後世。又何羨於生羽翰而躡遺風。彼秦漢
之荒唐。惑方士之愚計。望三神於渺茫。引風
舟而莫至。是皆求仙山於方外。而不知瀛洲
之在人世。羌馳情於虛無。而不知人傑之為
貴也。當大明之麗空。布天網於無際。跨黃樓

之鶴羽折廣寒之蟾桂參霞佩於羣仙溘埃

風萬里

句有

化鵬鵬於須臾望蓬萊於尺咫

願刀圭之我分期凡骨之早蛻按唐武德四

年秦王開天策上將府開舒館

當作

宮西延文

學之士以府屬杜如晦記室房元齡虞世南

文學褚亮姚思廉主簿李元道叅軍蔡允恭

薛元敬顏相時諮議典籤蘇勗天策府從事

中郎于志寧軍諮祭酒蘇世長記室薛收倉

曹李守素助教陸德明孔穎達信都蓋文達

宋州總管戶曹許敬宗並以本官兼文字當作

學館學士分三番更日直宿供給珍膳恩禮

優厚秦王朝謁公事之暇引見討論經籍之

夜分乃寢使庫直閣立本畫象褚亮為之贊

號十八學士得預選者時人謂之登瀛洲云

素菴書鈐印二素翁柴門月色天表龍姿

應瑞符義旗威定虎狼都堯神為開天策府

四方禮幣延師儒。雲龍風虎際嘉會。拔茹連
茹凌亨衢。廊廟材高資世用。天人學貫多謀
謨。詞華五色燦雲錦。理窟一致研錙銖。講論
啟沃聖心喜。經綸密勿德化敷。流霞九醞頒
瓊漿。麟脯八珍送御厨。沉水流蘇桂館直。玉
珮寶劍金階趨。魚水一堂和氣洽。明良千載
誠心孚。文皇禮賢圖至理。天下仰若登蓬壺。
蓬瀛弱水三萬里。飈車羽輪方可驅。諸賢無

乃天之徒。登瀛奚假。王喬鳧。三百羅圖。從此
啟。英風今古振寰區。金華嚴繼先。鈴印五。乙
未進士。繡衣驄馬。治世之音。葵軒墨。清興
太宗一代英明主。昔日特開天策府。府中
官屬總奇材。兼領文學互參伍。偉哉學士十
八人。長才逸思殊超倫。杜公如晦號能斷。剖
決無滯明如神。元齡叅贊任帷幄。廟算訏謨
極恢廓。二公同遊復同心。相業聯芳功卓卓。

世南詞翰良無前。思廉褚亮文尤元。允恭器
識比元敬。相時學與元道肩。典籤蘇勗年最
少。能將書畫臻高妙。志寧亮直光厥猷。世長
正色堪同調。德明儒行直可師。傳經太學道
在茲。宣聖雲孫乃穎達。註疏用釋羣經疑。薛
收守素競資敏。文達敬宗並輝炳。當時妙選
世所推。禮遇優厚恩何幸。討論文籍夜未休。
供膳每送天厨羞。追趨青瑣日入直。置身何

異登瀛洲百年文物不可尚。為託丹青寫形
狀。遂令好事傳至今。長使詩人發清況。良工
寫此圖亦奇。衣冠環珮光陸離。英雄往矣不
復作。感今懷古空歔歔。嗟哉此畫豈徒美。玩
之可以鑒終始。欲與諸公定是非。應有唐朝
不刊史。四明王來鈴印四。御史口口王來原
吉。二印漫漶。唐日文皇多俊傑。宏開芸館
聚羣仙。勲名事業千年跡。將相才華一代賢。

學講但看揮玉麈。道尊應不在青編。商周而
後真稀有。含象亭高果足肩。東魯劉翀鈴印
五。劉翀雲高。壬辰進士蔚菴東魯紫閣清興
十八學士圖。余嘗見宋徽宗畫本。此卷為
劉松年所作。較徽廟本絕不相類。無一毫宋
人工緻。元人嬾弱習氣。而人物位置。曲盡其
態。信是扛鼎筆也。商素翁諸公題詠於前。余
不復多贅。云完菴劉珏鈴印。二劉廷美氏鶴

林小隱 志同道合君臣義千載風雲喜相
際宸猷黼黻效忠良獻納從容無少替研精
至理夜忘眠為育斯民天下訐九州人共樂
雍熙三百年來延世繫遂令擬作登瀛仙畫
史圖傳遠追企往事咨嗟不可攀於今復覩
皇明治登庸庶府盡賢才豈特唐朝十八士
鎮易張振鈴印三張以德氏潔靜精微正誼
明道 多士蟬聯入館中登瀛千古播清風

圖傳畫史丹青妙名重詞臣贊詠工未數羣
僚名世學獨高二相濟時功得人應謂如夔
契不道移唐有敬宗句曲高志鈐印五高味
道氏吟詠情性冰壺秋月尚志齋知遠印
唐太宗得房杜等佐命興邦凌烟肖像後世
緬想之或寄意於詩什或圖寫其形似求賢
樂士可見於此此劉松年臨摹唐人之跡其
傳色運筆人物高古無纖微不愜而佐命諸

公於圖畫中可物色得之也。呂憲題。鈐印二。

思敬裕齋。

後有王綱七律一首。句理不錄。

前隔水。

五代周文矩有十八學士圖。宣和畫譜載此。乃劉松年所摹。前輩跋之頗詳。丙寅二十日。得於京邸。因題其昌鈐印二。元宰太史氏。

卷內鈐

高宗純皇帝寶璽。乾隆御覽之寶。

鑒藏寶函五寶笈三編

謹案是國所載各譜與唐書玉海互異唐書褚亮傳十八學士始杜如晦終蘇勗是國叙次多紊至薛元敬為薛收從子今列元敬於收前尤為失次蓋繪圖但取老幼相間其先後本無義例也。同中薛收顏相時字審又唐書載許唐書薛收字伯襄顏相時字審又唐書載許敬宗字延族此云字祇族姚思廉本名簡此云名東未識所本又蔡允恭李元道新舊書俱無字此云允恭字克讓元道字元易足補史傳之闕。商素菴即商輅攷見前。嚴繼先武義人永樂乙未進士歷官陝西行太僕少卿見金華府志王來字原之慈谿人宣德二年會試乙榜授新建教諭海澄御史。歷南京工部尚書明史有傳劉紳濟寧州人永樂壬辰

進士高志句容人永樂乙未進士俱見題名
碑呂憲字秉之秀水人成化辛卯舉人歷官
太常卿見明詩綜小傳明史附呂原傳

宋馬遠畫梨花山鳥一軸

本幅絹本縱五尺八寸五分橫三尺八寸八分設色畫喬松垂蔭巨石屹立其下梨花一樹山鳥羣棲石上署行書款馬遠

鑑藏寶璽

五璽寶笈三編



宋夏圭搗山圖一卷

本幅紙本縱一尺橫二丈設色畫鍾馗虬髯
唐中襴袍革鞢跨俊騾揚鞭疾馳鳴鉦導前
執纛荷笠負劍舁酒罍者紛沓從後山石岸
确戈鋌森挺犄角抉眚獸竄無所火燎於野
水沸於川詭狀殊形各極其致凡鬼物三十
五獸之屬八蟲豸之屬七魑二鼠二鱗介之
屬三款夏圭鈴印一不可辨

後幅題跋

陰巖畜革紛披猖鬼國諸孽甘為俚帝怒飛
命遣鍾郎窮搜畢獨無逋殃火攻水捕陸地
攘弓弩矢石刀鎌槍東穴燎熏西竇出崇崖
轉石卑麓僵牛夫挾蛇婦狐官擁魑王啾啾
劇沸釜若若安走藏鉤牽鎖繫如驅羊斬斫
腥腐齊山岡蒐田賸臘無此快帝喜班賞歸
膳肪於今絕妖孽白日游麟鳳禹玉奇思通

幽暝筆墨嶢巖脫畦町。補亡聖製三千年物。
怪神姦夏王鼎。至正十年東魯兀顏思敬鈴
印。二思敬子敬之章。空山無人霧氣寒。鬼
羣亂嘯西風酸。綠袍進士倚長劍。席帽颭影
烏靴寬。白日無光照斜水。怒裂鬼頭燃鬼髓。
大鬼跳踉小鬼豪。滿地鷗鵲飛不起。如今城
市鬼出遊。青天白日聲啾啾。安得此公起復
作。殺鬼千萬吾亦樂。至正十一年脩禊日。錢

唐于思緝鈴印一于思緝印 鐘叟搜山事

有無伊誰逞巧成斯圖奇形詭狀在在殊交

擒互攫相馳驅簸蕩瀚海搖坤隅人中有妖

殊勝此瀆亂天網壞人紀傍有文妖雜然起

險語艱詞肆奇詭牛鬼蛇神無乃是。我將疏

于玉霄原闕一字勅令鬼將毆人妖手持雷霆挾

風飈羣妖既除法令昭山澤鬼魅彼自消至

正十年夏龔璠鈴印一裕齋 洪武六年秋

七月十日觀於師子林東海徐賁


鑒藏寶璽

五璽

寶笈三編

收傳印記桂坡安國賞鑒

謹案元顏思恭字子敬色目人寓居東平自號齊東野老善書法見山東通志于思緝有詩見續網珊瑚今杭州志失載出處未詳



宋人十八學士圖 四軸

本幅絹本四幅皆縱五尺四寸。橫三尺二寸。設色分畫唐十八學士圖。松陰下芍藥正開。文石玲瓏。前橫棊几。一人正襟危坐。爐燃香。僕抱琴而前。偕坐三人。將聽琴。意態靜穆。一人撚鬚步藥欄側。從者或瀹茗。或奉盃。或執羽扇。庭前孔雀二。俯啄甚馴。柳陰下綠蕉丹榴。繽紛掩映。畫屏圍座。二人對奕。二人

旁觀前兩童捧茶甌及壺。左右三童分執如意羽扇。一桐陰下。竹欄周遭。前設屏風。一人捉筆方書。一人斂卷旁睨。一人手卷讀。一人攤書於几。一人側坐。童子捧書冊在側。就觀之餘童子三。均執卷佇竚。一槐陰下。植翠竹數竿。曲欄環之間。以文石。四人共讀畫。一執麈尾。一握扇。一袒衣立。一方盤。旁有童子以畫叉往。懽四人眸子俱凝注。懽中童子三奉

軸及盤具無款印

軸內分鈴

高宗純皇帝寶璽乾隆御覽之寶乾隆鑑賞

鑒藏寶璽

五璽

寶笈三編



宋人拜月圖 一軸


本幅絹本。縱三尺二寸四分。橫一尺五寸二分。設色界畫。畫素月流天。華堂四敞。焚香飲。袂。姬侍盈前。堂後樓榭參差。風柳露桃。高下掩映。無款印。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

五璽 寶笈三編



宋人花市戲嬰圖 一軸

本幅絹本。縱五尺七寸四分。橫三尺七寸三分。設色畫。貨郎擔。羣嬰各持戲具。花枝掩映。桃實累累。無款印。


軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

五璽

寶笈三編



宋人貨郎圖 一軸

本幅絹本。縱二尺四寸。橫二尺六寸四分。設色畫貨郎擔一童負嬰兒。以手作指點狀。無款印。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

五璽

寶笈三編

宋人畫潑墨仙人 一軸

本幅紙本。縱一尺六寸六分。橫七寸七分。水墨畫仙人蓬頭。手提壺。足踏芒屨。無款印。

玉池題

形蒼似松。神清若瀏。露頂披髮。目空萬有。提携何物。非丹則酒。衣染烟霞。芒履喜走十洲三島。以遨以友。瀟瀟灑灑。天地同久。不留姓氏。澹描高手。淝水龔鼎冠。敬題。
草行鈐印三五

知堂龔鼎冠印元起氏

軸內分鈐

高宗純皇帝寶璽乾隆御覽之寶乾隆鑑賞

鑒藏寶璽

全五璽

寶笈三編

元管道昇畫竹并書修竹賦真蹟一卷

本幅絹本縱八寸四分橫一丈一尺六寸水墨畫竹自題至大三年八月廿四日在松雪齋寫夫戲弄筆墨男子之能事吾今作此得非越分乎可鄙可鄙仲姬鈐印一魏國夫人趙管幅首書修竹賦猗猗修竹不卉不蔓非草非木標挺特以高世姿瀟洒而拔俗葉深翠羽榦森碧玉孤生泰山之阿千畝渭川之

曲來清飈於遠岑。娛佳人於空谷。觀夫臨曲
檻。俯清漪。色侵雲漢。影動漣漪。蒼雲夏集。綠
霧朝霏。瀟瀟兩沐。裊裊風披。露鶴長歎。秋蟬
獨嘶。金石間作。笙竽雜吹。若乃良夜明月。窮
冬積雪。掃石上之陰。聽林間之折。意參太古。
聲沉寥泝。耳目為之開滌。神情以之怡悅。蓋
其婉秀碧梧。託友青松。蒲柳慚弱。桃李羞空。
歌籊籊於衛女。詠淇澳之國風。故子猷吟嘯。

於其下。仲宣息宴乎其中。七賢同調。六逸高
蹤。良有以也。又况鳴嶰谷之風。化葛陂之龍
者哉。至於虛其心。實其節。貫四時而不改柯
易葉。則吾以是而觀君子之德。趙管仲姬錄
鈴印二。趙管。魏國夫人趙管。

引首

閨閫清風款逸老。鈴印一。伯顏不花印。

鑒藏寶璽

五璽

寶笈三編

謹案伯顏不花號蒼巖見畫史會要元史作
伯顏不花的斤字蒼巖畏吾兒氏歷官江表
廉訪副使謚桓敏鮮于樞甥也

元揭傒斯自書詩草一卷

本幅紙本。縱一尺五分。橫六尺二寸八分。行
草書詩稿。題真村。當家在魏亭北。悵幅自無
華。風俗似太古。生涯如小家。飲醇猶恐過衣
帛。尚疑奢。稍與隣人異。詩書有五車。題園
趣亭。日與世情遠。學人聊治生。畦蔬多品類。
樹果各生成。野老過偏數。山禽近不驚。詩書
吾所好。農圃也須明。題山水卷。雙松臨古

屋蕭灑。高人情。蓬戶常深閉。山橋時獨行。欣
聞急澗響。復愛晚風清。世事如解帶。誰謂戀
簪纓。憶昨四首天。歷年中祕閣。開授經新
拜育羣材。宮門待漏常先到。講席收書每後
回。召試時蒙天語勞。分題不用侍臣催。滿頭
白髮丹心在。太液池邊只獨來。宮草蔥茸
禁樹齊。日趨延顙對凝暉。線分二字衍旁點。朝迎
步輦花間立。暮送回鑾柳下歸。碧殿東臨瓊

島近金河北引玉泉肥。幾回宏慶門前路。春
氣濛濛欲染衣。已已羣儒應壁奎。端陽侍
宴寶慈西。線分學士親臣送。詩賜皇姑御手
題。注酒含春瑤露重。承塵轉午錦雲低。日斜
共出西門道。既醉猶能散馬蹄。奎章分署
隔窻紗。不斷香風別殿花。留守日頒中賜果。
宣徽月送上供茶。諸生講罷仍番直。學士吟
成每自誇。五載光陰如過客。九疑無處望重

華

宮詞一首

此篇在前

碧殿陰陰玉漏遲。流鶯

雙轉萬年枝。平明小輦花閒過。又是君王幸

閣時。揭傒斯

後幅題跋

昔唐宋之韓柳歐蘇。以文擅名。時稱四大家。元有虞楊范揭。以詩鳴世。人亦謂之云。余近日顏榮進。閉門却掃。倦則遊藝。雅好博古。展卷許品。至視文安公手書已作。詞格清麗。筆

法婉媚。似得晉唐人逸韻。由其心志。非力可
勉。若因而學之。終不能入。豈可與庸鄙罔習
共鑒定其甲乙。若斯人者。當時罕有與之儔
匹。余特寶重是卷。獨歎其高處。不必世論之
同也。賞音者自以余為然。予何言哉。明嘉靖
己未歲仲夏十又一日。在北窗下書。退密齋
主人墨林項元汴力疾饒舌。鈐印四子京項
元汴印。寄教墨林山人。

卷內鈴

高宗純皇帝寶璽 乾隆御覽之寶

鑒藏寶璽

五璽

寶笈三編

收傳印記 古香書屋仙客 一重 式古堂書畫 一重

休寧朱之赤珍藏圖書 邵彌之印 項子京氏

有何不可 墨非山人 一重 項元汴印 二重 子孫永

保 一重 式古堂 一重 平生真賞 一重 朱之赤鑒賞 一重

第一希有 一重 吳下阿彌 鴛鴦湖長 卞永譽印

安儀周家珍藏文徵明印衡山墨林祕玩一重
項子京家珍藏子孫世昌攜李項氏士家寶
玩之一重亦一重退密元汴墨林之印口方之外
文壽承氏文彭之印項叔子宮保世家思原
堂麓邨桃花源裏人家

元邊武書千字文 一冊

本幅紙本。三十五對幅。皆縱一尺二分。橫七寸三分。草書千字文。錄文不自識。至元之辛巳。

春正月元日。石抹景良。以此紙微不肖書時。天氣清淑。光景可人。遂滌玉膏。研試狸豪筆。大書千文。以歸之。近人以余粗學。因學翁墨跡。但知點畫形似耳。武奚足尚。今且塞公雅命。殊勉強也。覽者幸勿見誚。隴西後學王養

漁者邊武伯京父識鈴印八邊氏一重邊武印
一重甬東生霜鶴堂印黃鞠齋餘一印不可辨

後幅題跋

跋邊伯京千文書法弊於宋季元興作者有
工而以趙吳興鮮于漁陽為巨擘終元之世
出入此兩家是卷千文為邊隴西伯京書自
敘出於漁陽結構潤密波瀾煥發殆未易優
劣也按史元順帝以至順四年六月即位改

元元統凡二年乙亥則重紀至元凡六年辛巳則改元至正不知何以復系至元於辛巳耶豈作是書時乃正元之日而遠方尚未知改元耶石抹元之宦族仕浙者尤盛景良未詳其履歷此必伯京寓浙時為書耶自後數年而元亦季矣我朝三宋者出追蹤魏晉開一代書學之源今而才賢輩出駸駸古人矣鄭思齋啟範購得此卷持以示深為論文翰

與治化相通者若此。思全治理文章。直欲等
秦漢上之。顧於此卷加欣賞焉。異時當軸取
人之善。亦若此焉矣。是歲嘉靖甲申三月三
日。儼山陸深謹跋。鈐印五。古太史氏師螺扁
灋。陸深私印。陸子淵氏。合江樓。

冊內鈐

高宗純皇帝寶璽。乾隆御覽之寶。

鑒藏寶璽


全五璽

寶笈三編

收傳印記近竹閣主口用口口詩書舊族疾

夫馬痒阿恒靖初父元藻正休重

謹素邊武字伯克隴西人致見續編鄭啟菴
名洛書號思齋莆田人正德丁丑進士歷官
御史提督南直隸學政明史附解一貫傳松
江志云初除上海知縣然給事中



元王蒙具區林屋 一軸

本幅紙本。縱二尺一寸三分。橫一尺三寸二分。設色畫。洞壑玲瓏。清溪與曲。丹楓翠柏。絢爛秋林。水榭茅齋。懸崖嵌石。自題具區林屋。隸款。叔明為日章畫。

玉池

夏日吳用卿攜黃雀山樵畫至余齋中。同陸君策、陳仲醇、諸德祖、朱叔熙、觀董其昌記。具

區林屋人間有數軸此其真蹟也其昌又題
鈐印二知制誥日講官董其昌印

軸內分鈐

高宗純皇帝寶璽乾隆御覽之寶乾隆鑑賞

鑒藏寶璽

全五璽

寶笈三編

收傳印記吳廷

謹案陸君策名萬言華亭人萬歷丙子舉人
致見續編朱叔熙名本滄上海人萬歷癸丑
進士歷官山東副使見松江府志諸德祖當
即諸本條亦上海人歲貢生志未載其字姑

存疑



[illegible]

元趙希遠畫林巒福地 一軸

本幅紙本。縱四尺九寸六分。橫九寸六分。設色畫林巒。矗雲瀑布噴雪。磴道盤紆而上。樓閣峙於峯間。童子或掃徑。或採芝。放鶴將歸。馴鹿逐侶。款至正九年黃鐘月上吉日。趙希遠畫。鈐印一。希遠原題。福地真傳。霹靂開仰。空虛竇瞰。崔嵬千盤。磴道穿深黑。萬古仇池。接往來。頗怪洞中常見日。翻從地底一登臺。

聳身且自崖間出。回首仙蹤帳口來。茂苑文
嘉。鈴印二休承。

軸內分鈴

高宗純皇帝寶璽。乾隆御覽之寶。乾隆鑑賞。

鑒藏寶璽

五璽全

寶笈三編

收傳印記。文謙光印。君珂鑑賞。潘志省印。又
三印漫漶。

謹案趙希遠與王蒙同時。蒙有香光居士圖。
希遠愛而臨之。見畫史會要。


元馬琬墨竹 一軸

本幅紙本縱四尺二寸六分橫一尺八寸二分雙鉤墨竹自題凌雲直上扶風馬文壁寫
鈐印一馬文壁印

鑒藏寶璽

五璽寶笈三編

收傳印記宇雲山蒼蒼江水洋洋先生之風
山高水長湯氏寶玩珍藏之印



元釋方厓墨竹 一軸

本幅紙本。縱三尺六寸。橫一尺一寸四分。水墨畫竹石。無款。鈐印一方。厓原題。瑟瑟空外音。兀兀林下定。伊人本無作。獨坐听已暝。珠光內大千。重疊秋更瑩。萬籟何緣生。太虛自成聽。悲哉湘川瑟。鏗乎衛之磬。風泉雜梧竹。物我此交罄。如何濁世士。強聒有不醒。馬知圖通門。廓寥謝畦迳。文靖持方厓所畫竹。

見示。俾錄虞道園先生寄題聽秋軒詩。軒蓋
厓在重居寺時燕私之室也。因記前十五年
厓自吳門歸。余亦次第先生詩韻。雖不免識
者效顰之譏。漫附此以見意耳。歲洪武壬戌
冬十月三日馬治。

〔左右方標綾題跋〕

書窗漫對碧琅玕。偏喜真心耐歲寒。恠底此
君解醫俗。清標瀟灑拂雲端。九嶷山碧楚

天空江上佳人思不窮。日暮南陵修竹冷。鷓鴣聲裏起秋風。康熙壬子竹醉日。林村居士
淞洲謹筆。鈐印二。謝淞洲印。林村居士。方
厓律師。元之隱德僧也。本吳中。重居寺丈室。
張氏據吳。遂避地佳興保安寺。高文碩望。
妙寫枯木竹石。宗坡公法。一時士夫契之不
得其筆墨。尤難獲。而雲林鄭高士甚相密。以
集中所載壬子九月十九日。因吳僧大機用。

公之還山寄詩以呈方厓禪伯云不到荆溪
三十秋。南津溪水亦東流。用公近住金鵝嶺。
魏族猶隣白虎邱。楓葉爛斑霜落後。竹枝蕭
瑟渚邊頭。歸逢古德方厓叟。為話談元舊日
遊。又考其題為吳中名哲馬公治者。字孝
常。元末秀士。亦避張氏亂。居宜興。著有荆南
倡和集。行於世。鈴印三成。悟寓意。


鑒藏寶璽

全五璽

寶笈三編

收傳印記不設寒具薛鱗鑑賞

謹案方屋已詳原跋又見六研齋三集



元人畫同胞一氣圖 一軸

本幅絹本。縱四尺九寸四分。橫二尺二寸一分。設色畫三嬰兒圍爐炙包子。一狸奴覷其旁。無款印。上方成親王楷書。

御製詩。

戲嬰堂上弟兄聚。同氣連枝天性真。取義友于教孝悌。立身之本在人倫。覺世牖民人主職。心期間里普亨嘉。誕敷德政消愚蠢。天下蒼黎

本一家。

御題款臣永理奉

勅敬書鈐印二臣理

鑑藏寶璽五璽寶笈三編

元人歲朝圖 一軸

本幅絹本。縱二尺五寸四分。橫一尺二寸。設色畫瓶貯梅花。盆蒔水仙。一松鼠竊果。瓶覆散果滿地。無款印。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

全五璽

寶笈三編

[illegible]


元人夏景戲嬰圖 一軸

本幅絹本。縱三尺九寸四分。橫一尺九寸。設色畫。垂楊文石。環以曲檻。嬰兒一擎荷蓋。一執榴花。一持宮扇。兩兒持几。几供鍾馗。旁設瓶花。一兒以繩繫蟾。一兒隨後作戲蟾狀。無款印。

鑒藏寶璽

五璽

寶笈三編



元人貨郎圖 一軸

本幅絹本。縱五尺四分。橫三尺一寸二分。設色畫。翠柏紅搭。貨郎停擔。陳諸戲具。五嬰兒。羣嬉其側。無款印。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

今五璽

寶笈三編




元人畫雪景 一軸

本幅絹本。縱三尺八寸。橫二尺三分。設色畫。遠山積雪。寒林掩映。一童提壺入邨落。一人度橋擁袖作怯寒狀。一憩松亭。觀童掃雪。無款印。

鑒藏寶璽

五璽 寶笈三編

收傳印記 味綸私印 朱理之印



明宣宗畫武侯高卧圖 一卷

本幅紙本。縱八寸六分。橫一尺二寸七分。水墨畫竹林中。武侯坦腹枕書而卧。款宣德戊申。御筆戲寫。賜平江伯陳瑄。鈐璽一。廣運之寶。

後幅題跋

恭書宣廟御製諸葛武侯圖下。右宣宗章皇帝御製諸葛武侯圖。賜平江伯追封平江侯。

謚恭襄陳公瑄者。公為武將。在太宗文皇帝靖難入京之時。首率巨艦迎附江上。有濟王師之功。繼領數十萬衆。督餉運於海上河上。且著用兵建議良策。屢簡在列聖之心。非一日矣。蓋皆望公以漢諸葛。至是宣廟親灑寶翰。作此圖以賜之。非惟寵異之至。所以望其追美於前賢者。為何如也。公沒之二十有一年。其孫平江侯豫受命守備南京。以循遠事。

先帝。且與公有同朝之雅。而知公者。謹奉圖
請書識其下。於戲。惟聖明為能知人。善任。惟
賢才為能竭力効忠。循於是圖。見之。然惟聖
明所以望其臣者。如此其重。則子孫之所以
繩其祖者。宜何如其至哉。豫以下。其世世勉
之。景泰五年冬十一月至日。榮祿大夫少保
兼太子太傅戶部尚書文淵閣大學士修國
史知制誥同知經筵事臣陳循頓首謹書。鈐

印一陳循謹識

右宣宗章皇帝御筆相傳

為漢丞相諸葛忠武侯高卧圖以賜故將平
江侯陳恭襄公者也公曾孫嗣平江伯臣銳
間出以示臣敏政臣嘗侍罪史官得恭襄公
之勲烈仰窺聖意而竊嘆曰於戲盛矣忠武
侯輔先主取劉璋下全蜀中興漢室而恭襄
公佐太宗文皇帝濟江靖難裂茅土為勲臣
忠武侯治兵必先屯田木牛流馬皆本獨智

而太宗定都北京。歲漕江淮粟數百萬。一出
恭襄規畫。行之至今。勲猷之懿。照耀後先。蓋
於此見宣宗之知臣。與恭襄公之受知列聖。
實明良千載之遇。非一時之榮一家之慶而
已。昔漢武以周公負成王朝羣臣圖。賜大將
軍霍光。光雖不敢上擬周公。然擁昭立宣。有
大忠勲於王室。後世稱之。古帝王負知人之
明。而獲其用者。類如此。考之傳記。忠武侯家

範尤嚴如愒慢不能研精險燥不能理性之
語皆聖門餘論卒之子瞻輩多以忠孝成名
惟恭襄公之孫黥國莊敏公暨今元戎凡三
世佩將印宣力四方而繼總漕之功尤偉國
家賴之豈非恭襄公之教之所致歟承平既
久世臣輩出而篤忠貞如書之所稱矢文德
洽王國如詩之所頌則未有盛於陳氏者矣
臣是以備論之以著於圖之下方成化十九

年歲次癸卯夏四月既望賜進士及第奉直
大夫左春坊左諭德同修國史經筵官兼太
子講讀官臣程敏政拜識鈐印一程敏政印

引首

旌忠書款賜進士奉勅提督撫治河南叅政
臣史敏謹題鈐印一叅政之章

鑒藏寶璽

五璽

寶笈三編

謹案陳璘字彥純合肥人少從軍累遷右軍
都督僉事燕兵至以舟師迎降封平江伯追

贈平江侯。謚恭襄。孫豫。字立卿。正統末。以副
總兵進封侯。贈黔國公。謚莊敏。豫子鑑。歷掌
左軍府。加大傅。陳循。字德遵。泰和人。永樂乙
未。賜進士第一。歷官少保。華蓋殿大學士。明
史皆有其傳。史敏。字德敏。山陽人。正統己未。
進士。歷官河南參政。見江南通志。

明宣宗壺中富貴圖

軸

本幅紙本縱三尺四寸五分橫一尺七寸設色畫銅壺貯牡丹懸空際狸奴在下仰首欲攫之旁列銅洗一上鈐宣德祕閣圖書之寶原題宣德四年正月十九日上以御畫賜臣士奇臣士奇蓬華陋姿獲此異寶謹當什襲敢贅頌言其辭曰於穆上聖濬哲欽明武功伊濶文德永清固重熙而累洽亦久道而化

成於是萬幾餘暇時游藝於翰墨灑貞觀之
勵精鑒宣和之迷惑揮洒盡神勾皴合則寫
此狸奴允中程式爾乃動必肖形蹲不違性
毛點班斲日消雪映身蟲蟲以披雲暖炯炯
以夾鏡爪揚厲而鈎連尾卷曲而至頸類鵠
虞而有章號後貌而甚稱飛鳥見而迴翔社
鷄望而自屏蓋寫生之神妙洵超凡而入聖
彼江都之馬何足與儔即道君之鷹安能較

勝。若夫花垂朵朵。百寶承恩。異香宛在國色。
猶存。極人間之富貴。斯貓望而欲吞。則又曲。
盡物情生動之趣。而愈足徵化工點染於乾。
坤。然而上聰明不作大智若愚。寤寐丕顯以。
為治圖。君臣一德。上下相孚。朝無相鼠之刺。
野無碩鼠之呼。則斯貓也。雖快一時之染翰。
而終不忘萬世之良模。臣何人斯。膺茲寵錫。
敢不拜手稽首。而賡明良喜起之歌乎。系曰。

濯濯雪貓斑斑章兮。猙猙牙爪歛歛張兮。雙
瞳皎皎射晶光兮。鼯鼯鼯走且僵兮。淋漓
翰墨何輝煌兮。子子孫孫永寶藏兮。榮祿大
夫華蓋殿大學士臣楊士奇敬撰鈐印二楊
貞一臣士奇

軸內分鈐

高宗純皇帝寶璽
乾隆御覽之寶
乾隆鑑賞

鑒藏寶璽

五璽

寶笈三編

明沈度隸書歸去來辭 一軸

本幅 紙本。縱一尺一寸三分。橫七寸七分。隸書。歸去來辭。文不錄。款雲間沈度書。無印。

軸內鈐

高宗純皇帝寶璽 乾隆御覽之寶

鑒藏寶璽

五璽 寶笈三編

收傳印記 儀周珍藏

11

明陶成菊石戲貓圖 一軸

本幅紙本。縱四尺六寸。橫一尺八寸五分。水墨畫菊花竹枝。一狸奴戲文石間。自題樂逸誰看晚節香。籬邊日日醉壺觴。眼前不道春光好。獨有寒情可耐霜。宏治癸丑秋。雲湖仙人。隸鈴印一。雲湖陶成。

鑒藏寶璽

五璽 寶笈三編

收傳印記 蒼巖棠村審定

[illegible]


明周臣清泉聽阮圖 一軸

本幅絹本。縱四尺三分。橫二尺三分。設色畫。高峯插雲。清泉噴雪。一人林下摘阮。一人坐聽。無款印。

鑒藏寶璽

五璽 寶笈三編

收傳印記 冀國公章 江邨吳廷之印



明唐寅畫山路松聲一軸

本幅絹本。縱六尺五分。橫三尺二寸。設色畫
層巖邃壑。松籟泉聲。一人憑眺倚欄。僕囊琴
隨後。自題。女几山前野路橫。松聲偏解合泉
聲。試從靜裏閑傾耳。便覺沖然道氣生。治下
唐寅畫呈李父母大人先生。鈐印三。夢墨亭。
南京解元。逃禪仙吏。

題籤

唐子畏山路松聲

宗村重裝

鑒藏寶璽

五璽

寶笈三編

收傳印記
蒼巖蕉林居士蕉林收藏

明仇英畫孝經圖一卷

本幅絹本。縱九寸四分。橫二丈一尺一寸五分。仇英設色分畫孝經十八章圖。無款印。文徵明楷書分錄孝經。經文錄鈐印二。文仲子文徵明印。

後幅題跋

此卷乃寶甫所摹王子正筆也。人物清灑。樹石秀雅。臺榭森嚴。畫中三絕。兼得之矣。國光

兄寶而藏之。出而示予者三。予遂心會其意。為錄孝經一過。徒知承命之恭。忘續貂之誦。何時嘉靖丙午二月既望。徵明書。鈐印三文。徵明印。衡山停雲。宋有李龍眠畫孝經石刻大卷。今仇十洲縮之。文太史因以正書書其下。古孝孝。重孝字衍經所在。能令祝融反風。沉疴去體。盜賊弛兵。而不敢過其廬。種種吉祥。過佛氏神通遠甚。宜寶藏之。八十二翁陳繼

儒時已卯仲春十八日鈐印二陳繼儒印者
公

引首


百行之原款吳寬書鈐印二吳寬原博

鑒藏寶璽

五璽寶笈三編

收傳印記楊李浙右項篤壽子長藏書一重

謹案王子馬名端洛陽人宋真宗時右班殿
直見名畫記



明仇英赤壁圖 一卷

本幅絹本縱八寸一分橫二尺八寸三分設
色畫蘇軾泛舟遊赤壁圖款吳郡仇英實父
製鈐印二十州含藻

後幅

彭年楷書赤壁賦錄不款右蘇長公前賦嘉
靖戊申蜡月五日為近蓮先生書隆池山樵
彭年鈐印三彭年孔嘉 文彭行書赤壁賦

款嘉靖己酉仲夏望日文彭書鈴印三。文壽
承氏文彭三橋居士。文嘉行書後赤壁賦
錄文不款己酉六月書於蕭閒齋茂苑文嘉鈴
印二。文嘉之印文休承氏。周天球行書後
赤壁賦。吳門周天球書於槧几齋鈴印三
周天球印周公瑕氏槧几齋

引首

赤壁游。款徵明鈴印三。文徵明印。停雲館。

玉蘭堂印


舊題籤

仇十洲赤壁圖 焦林鑒賞

鑒藏寶璽

五璽寶笈三編

收傳印記 焦林書屋棠村審定 焦林玉立氏
圖書 蒼巖蒼巖子 治溪漁隱 焦林觀其大畧



明仇英蘇武牧羊圖 一軸

本幅絹本縱一尺七寸三分橫一尺八分設色畫霜葉滿山羣羊放牧蘇武持節與李陵執手訣別穹廬遙隱於林間款吳門仇英實父製鈐印二十洲仇英之印

玉池王寵節錄漢書蘇武傳

蘇武傳 武字子卿少以父任兄弟並為郎稍遷至移中廢監時漢連代胡數通使相窺

觀匈奴留漢使郭吉路充國等前後十餘輩。匈奴使來。漢亦留之以相當。天漢元年。且鞮侯單于初立。恐漢襲之。廼曰。漢天子我丈人行也。盡歸漢使路充國等。武帝嘉其義。廼遣武以中郎將使持節送匈奴使留在漢者。因厚賂單于。答其善意。武與副中郎將張勝及假吏常惠等募士斥候百餘人俱。既至匈奴。置幣遺單于。單于益驕。非漢所望也。方欲發

使送武等。會緹王與長水虞常等謀反。匈奴中緹王者昆邪王姊子也。與昆邪王俱降漢。後隨浞野侯沒胡中。及衛律所將降者陰相與謀。劫單于母閼氏歸漢。會武等至。匈奴虞常在漢時素與副張勝相知。私候勝曰。聞漢天子甚怨衛律。常能為漢伏弩射殺之。吾母與弟在漢。幸蒙其賞賜。張勝許之以貨物。與常。後月餘。單于出獵。獨閼氏子弟在。虞常等

七十餘人欲發其一人夜亡告之單于子弟
發兵與戰緹王等皆死虞常生得單于使衛
律治其事張勝聞之恐前語發以狀語武武
曰事如此此必及我見犯廼死重負國欲自
殺勝惠共止之虞常果引張勝單于怒召諸
貴人議欲殺漢使者左尹尹漢書作僞秩嘗曰即
謀單于何以復加宜皆降之單于使衛律召
武受辭武謂惠等屈節辱命雖生何面目以

歸漢。引佩刀自刺。衛律驚自抱持武。馳名鑿
鑿地為坎。置煖火覆武其上。蹈其背以出血。
武氣絕。半日復息。惠等哭輿歸營。單于壯其
節。朝夕遣人候問武。律知武終不可脅。白單
于。單于愈益欲降之。乃幽武置大窖中。絕不
飲食。天雨雪。武卧齧雪與旃毛并咽之。數日
不死。匈奴以為神。乃徙北海無人處。使牧
羝。羝乳乃得歸。別其官屬常惠等各置他所。

武既至海上。廩食不至。掘野鼠去草實而食之。杖漢節牧羊。卧起操持。節旄盡落。昭帝即位數年。匈奴與漢和親。漢求武等。匈奴詭言武死。後漢使復至匈奴。常惠請其守者與俱。得夜見漢使。具自陳道。教使者謂單于言。天子射上林中。得鴈足有係帛書。言武等在某澤中。使者大喜。如惠語以讓單于。單于視左右而驚。謝漢使曰。武等實在。於是李陵置酒。

賀武曰。今足下還歸。揚名於匈奴。功顯於漢
室。雖古竹帛所載。丹青所畫。何以過子卿。陵
雖驚怯。令漢且貲陵罪。全其老母。使得奮大
辱之積志。庶幾乎曹柯之盟。此陵宿昔之所
不忘也。收族隣家。為世大戮。陵尚復何顏。漢顏
書作乎已矣。令子卿知吾心耳。異域之人。豈
別長絕。陵起舞歌曰。徑萬里兮度沙幕。為君
將兮奮匈奴。路窮絕兮矢刃催。士眾滅兮名

已隕老母已死雖欲報恩將安歸

謹案漢書雖報恩將

安歸句宋祁曰雖字下疑有缺字茲據之陵泣下數行因與武決

單于召會武官屬前以降及物故凡隨武還

者九人武留匈奴凡十九歲始以強壯出及

還鬚髮盡白年八十餘神爵二年病卒上思

股肱之美迺圖畫其人於麒麟閣法其形貌

署其官爵姓名凡十一人以此知其選矣款

雅宜山人王寵書鈐印三大雅堂王寵私印

履吉之印

軸內分鈐

高宗純皇帝寶璽
乾隆御覽之寶
乾隆鑒賞

鑒藏寶璽

全五璽

寶笈三編

收傳印記
天籟閣
退密墨林
嘉興項氏平生

真賞

[illegible]


明仇英松亭試泉圖 一軸

本幅絹本。縱四尺。橫一尺九寸。設色畫巖林水榭。一人執撥拂倚欄坐。旁侍童子二。一展卷。一攜銅餅汲泉。款仇英實父製。鈐印一實父。

鑒藏寶璽

五璽 寶笈三編

收傳印記 平章翰墨 甘口別俠 我自樂此 卞氏口菴珍賞 王氏延密家藏



明仇英番馬圖 一軸

本幅紙本。縱二尺橫一尺九分。設色畫番馬一奚官左牽之。款實父仇英製。鈐印二。仇氏實甫。杜陵仇氏。

玉池

天上房星原不動。人間畫馬亦難逢。當時筆下千金駿。此是窗前八尺龍。右題馬一首。時嘉靖戊午春日書。徵明鈐印三。停雲。文徵明。

印衡山

軸內分鈐

高宗純皇帝寶璽乾隆御覽之寶乾隆鑒賞

鑒藏寶璽

五璽

寶笈三編

明仇英桐陰清話圖 一軸

本幅紙本。縱八尺七寸。橫三尺一寸。設色畫石峯峻嶒。碧梧一枝。亭亭垂蔭。梧下二人聚語。一童侍側。緣坡叢篠。流水潺湲。款十洲仇英畫。鈐印一十洲。

鑒藏寶璽

五璽 寶笈三編

收傳印記。天籟閣。項墨林鑒賞。檇李項氏士家寶玩。項元汴印。項子京家珍藏。退密。項墨

林父祕笈之印子孫世昌